



Sultan Brunei terima menghadap Anwar



Datuk Seri Anwar Ibrahim mengambil kesempatan keberangkatan Sultan Hassanal Bolkiah sempena istiadat pertabalan Yang di-Pertuan Agong Ke-17 untuk menghadap Sultan Brunei di Kuala Lumpur, semalam. Perdana Menteri melalui hantaran di Facebook beliau berkata peluang itu dimanfaatkan sebaik mungkin untuk menilai kemajuan kerjasama yang giat berlangsung antara Malaysia dan Brunei Darussalam, selain membincangkan beberapa perkara yang menjadi kepentingan bersama. Pertemuan juga membincangkan persediaan untuk Rundingan Pemimpin Tahunan Ke-25 yang akan diadakan pada bulan depan di Bandar Seri Begawan. Beliau mendoakan semoga hubungan kedua-dua negara terus diperkukuh demi manfaat bersama.

(Foto BERNAMA)